

Universidade de Vigo -  
Registro Xeral

Saída Nº. 201700007699  
12/05/17 13:42:01

## RESOLUCIÓN REITORAL DO 12 DE MAIO DE 2017 POLA QUE SE CONVOCAN 15 BOLSAS DE DESPRAZAMENTO PARA MESTRADOS UNIVERSITARIOS OFICIAIS NO CURSO ACADÉMICO 2016/17.

Sumándose ás iniciativas estatais e autonómicas, a Universidade de Vigo é consciente da importancia de ter en conta a diversidade dos estudos de mestrado e estima necesario dispor dunha convocatoria de bolsas en estudos oficiais de mestrados universitarios. Esta convocatoria irá a cargo das aplicacións orzamentarias dos mestrados descentralizadas nos centros e reflectidas no orzamento da Universidade.

En virtude das facultades que lle outorga a Lei orgánica 6/2001, do 21 de decembro, modificada pola Lei 4/2007, do 12 de abril, de Universidades e o Decreto 7/2010, do 14 de xaneiro, polo que se aprobaron os Estatutos desta Universidade,

### ESTA REITORÍA RESOLVE:

1. Convocar 15 bolsas de desprazamento para o alumnado matriculado nos mestrados universitarios oficiais, en réxime de concurrencia competitiva.
2. A presente resolución, xunto coas bases que a regulan, publicarase no taboleiro de anuncios da Reitoría, nos dos Centros e na páxina web da Universidade de Vigo.

As solicitudes presentaranse dende o día seguinte á publicación desta convocatoria ata o día 30 de maio no rexistro, xeral e auxiliares da Universidade de Vigo ou en calquera dos lugares previstos no artigo 16.4 da Lei 39/2015, do 1 de outubro, do procedemento administrativo común das Administracións Públicas.

Contra esta resolución, que esgota a vía administrativa, poderá interpoñerse un recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso administrativa.

As persoas interesadas poderán optar por interpoñer contra esta resolución recurso de reposición, no prazo dun mes contados a partir do día seguinte á publicación da presente resolución (ou dende o día seguinte ó recibo desta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

Vigo, 12 de maio de 2017  
O reitor,

Salustiano Mato de la Iglesia



DILIXENCIA para facer constar que esta resolución publícase no taboleiro de anuncios do Registro Xeral da Universidade de Vigo, con data...12 de maio de 2017.  
O xefe da Área de Bolsas

Francisco Navaza Dafonte

## BASES QUE REGULAN A CONVOCATORIA DE 21 BOLSAS DE DESPRAZAMENTO PARA OS ESTUDOS OFICIAIS DE MESTRADO DA UNIVERSIDADE DE VIGO PARA O CURSO ACADÉMICO 2016/17

### I.- OBXECTO

O obxecto destas bolsas é sufragar os gastos derivados da realización de actividades propias dos mestrados oficiais impartidos pola Universidade de Vigo, que forman parte dos planes de estudos, que se teñan que desenvolver nun lugar diferente ao da sede do mestrado e que non dispoñan doutro tipo de axudas, bolsas, convenios ou contratos con entidades públicas ou privadas para a mesma finalidade.

### II.- PERSOAS DESTINATARIAS

Poderá participar na presente convocatoria o alumnado da Universidade de Vigo que estea matriculado nun mestrado oficial durante o curso académico 2016/17 a tempo completo, de acordo co correspondente plan de estudos (mínimo de 60 créditos ECTS ou; de ser o caso, de aqueles créditos que lle resten ao alumnado para rematar o mestrado).

Os créditos recoñecidos, convalidados e adaptados non se terán en conta para este cómputo.

Non terán dereito a esta bolsa o alumnado que xa estea en posesión dun título oficial de mestrado.

No caso do alumnado matriculado en continuación de estudos no mestrado de Química teórica e modelización computacional, deberán ter superados a totalidade dos créditos do primeiro curso 2015/16.

Non poderán ter a condición de beneficiario as persoas nas que concurra algunha das circunstancias establecidas no artigo 13.2 da lei 38/2003, de 17 de novembro, Xeral de Subvencións.

### III.- INCOMPATIBILIDADES

As bolsas serán incompatibles con calquera outra bolsa, axuda, contrato ou similar concedida por calquera institución pública ou privada para a mesma finalidade.

### IV.- DOTACIÓN E PAGAMENTO

A contía das bolsa establecerase pola Comisión Académica de cada mestrado oficial e o seu pagamento farase con cargo ás seguintes aplicacións orzamentarias:

MÁSTER	Nº DE BOLSAS	DOTACIÓN	APLICACIÓN PRESUPOSTARIA
Investigación química e química industrial	4	200 €	0010 111LP98 482.99
Estudos ingleses avanzados e as súas aplicacións	2	500 €	0005 111LP39 482.99
Enxeñaría de Minas (tipo 1) depraçamento de mais 70 Km/diarios	3	250 €	0008 111LP20 482.99
Enxeñaría de Minas (tipo 2) despraçamento de menos de 70 Km/diarios	3	100 €	0008 111LP20 482.99
Química teórica e modelización computacional	3	500 €	0010 111LP05 482.99

O pagamento do desprazamento farase nun só pagamento, e estará suxeito as retencións de IRPF, que establezca a normativa vixente nesta materia.

## V.- PRAZO DE PRESENTACIÓN DE SOLICITUDES E DOCUMENTOS

O impreso de solicitude está disposto na páxina web da Universidade a través da Secretaria Virtual no seguinte enderezo electrónico: <http://seix.uvigo.es>.

As solicitudes presentaranse dende o día seguinte á publicación desta convocatoria **ata o día 30 de maio** no rexistro, xeral e auxiliares da Universidade de Vigo ou en calquera dos lugares previstos no artigo 16.4 da Lei 39/2015, do 1 de outubro, do procedemento administrativo común das Administracións Públicas..

Xunto coa solicitude, as persoas solicitantes deben presentar a seguinte **documentación**:

- A **certificación académica oficial** dos estudos que lle deron acceso aos estudos de mestrado así como dos estudos de mestrado en caso de estar no segundo curso.

**Soamente** deberán presentar estas certificacións se se trata de **estudos realizados fóra da Univesidade de Vigo**.

No caso de titulacións obtidas no estranxeiro ou en centros non estatais deberase achegar, as oportunas táboas de equivalencias oficiais das cualificacións.

- O **currículo** relacionado con estudos e experiencia previa no mestrado de que se trate.
- No caso de ter concedida calquera subvención ou axuda convocada por entidades ou fundacións públicas e privadas deberá de achegar copia da credencial de concesión.
- A fotocopia do **NIF, NIE** ou **pasaporte** en vigor.
- Declaración de estar ao corrente das obrigas tributarias e coa Seguridade Social.

Ás persoas solicitantes tamén se lles poderán requirir aqueles outros documentos que fosen precisos para aclarar os datos necesarios para o outorgamento da axuda.

Os datos persoais recollidos na solicitude teñen carácter obrigatorio e serán tratados pola Universidade de Vigo para a organización da docencia e o estudo, así como para o exercicio das demais funcións propias do servizo público de educación superior, reguladas na Lei orgánica de universidades e nos Estatutos da Universidade de Vigo.

A persoa solicitante está de acordo en que os seus datos persoais sexan recollidos, tratados e, de ser o caso, cedidos para os seguintes fins: a xestión administrativa e académica do seu expediente; a oferta e a prestación de servizos universitarios; a realización de estatísticas, proxectos de investigación, avaliacións e enquisas; o seguimento dos servizos universitarios prestados; así como a realización de accións destinadas ao fomento do emprego e a prácticas en empresas.

O responsable do tratamento destes datos é a Universidade de Vigo. Os dereitos de acceso, rectificación, cancelación e oposición ao seu tratamento exercitaranse ante a Universidade de Vigo no seguinte enderezo: Edificio de Xerencia-Servizos Centrais, campus universitario, s/n 36310 Vigo (Pontevedra), de acordo co establecido na Lei orgánica 15/1999, do 13 de decembro, de protección de datos de carácter persoal.

## VI.- SELECCIÓN

Unha vez recibidas as solicitudes, a Área de Bolsas, comprobará que cumpren os requisitos básicos da convocatoria e publicará a **listaxe provisional de persoas admitidas e excluídas**. Así mesmo, indicará os motivos de exclusión e daralles un prazo de cinco días hábiles para emendar os erros e achegar a documentación requirida, advertíndoselles ás persoas solicitantes que, no caso de non facelo, se lles dará por desistidos neste proceso.

Emendados os erros, a Área de Bolsas elaborará e publicará a **listaxe definitiva de persoas admitidas e excluídas**, indicando o motivo de exclusión de ser o caso. Ao mesmo tempo, achegará ás Comisións Académicas de cada mestrado as solicitudes e a documentación a través do correo electrónico.

Estas Comisións avaliarán e **seleccionarán** as solicitudes presentadas en base aos seguintes criterios:

- O expediente académico previo do alumnado que lle deu acceso ao título de mestrado: ata un 45%  
A nota media simple do expediente académico dos últimos estudos universitarios realizados calcularase segundo o disposto na Resolución da Consellería de Educación e Ordenación Universitaria do 15 de setembro de 2011 (DOG do 30 de setembro).  
No caso de titulacións de segundo ciclo, baremanse os expedientes tomando a nota media do primeiro e do segundo ciclo.
- O rendemento nas actividades desenvolvidas, en concreto, as materias superadas no mestrado de que se trate no curso académico 2016/17 na data de publicación desta convocatoria: ata un 45%
- O currículo relacionado cos seus estudos e experiencia previa en relación co mestrado de que se trate: ata un 10%

En caso de empate, terase en conta:

- 1º.- O maior número de materias superadas no mestrado.
- 2º.- A nota media do expediente académico
- 3º.- O menor número de suspensos
- 4º.- O maior número de matrículas de honra

As solicitudes dos candidatos e candidatas que non obtiveran a bolsa serán ordenados por orde de preferencia, constituíndo a listaxe de agarda para cubrir as posibles renuncias.

A Comisión Académica de cada mestrado remitirá o acordo (segundo o modelo do anexo I) á Área de Bolsas e esta elaborará e publicará a **resolución provisional**, que incluírá as persoas beneficiarias propostas, a listaxe de agarda, as solicitudes denegadas sinalando as causas de denegación e os acordos das diferentes comisións.

As persoas interesadas, disporán dun prazo de cinco días hábiles, que contarán dende o día seguinte a publicación, para presentar as alegacións que consideren oportunas. Unha vez revisadas as alegacións por parte das distintas Comisións Académicas, achegarán os acordos definitivos, de ser o caso, á Área de Bolsas que elaborará e publicará a **resolución definitiva** das bolsas concedidas, as denegadas xunto cos seus motivos e a listaxe de agarda por orde de maior a menor puntuación que usarse para cubrir as posibles renuncias.

## VII- OBRIGAS DAS PERSOAS BENEFICIARIAS

As persoas beneficiarias das bolsas están obrigadas a:

- a) Ter pagada na súa totalidade o importe da matrícula do curso 2016/17 ou; no caso de optar polo fraccionamento dos pagamentos de matrícula ter pagados os importes parciais emitidos ata a data da resolución de concesión das bolsas.
- b) Destinar a axuda á finalidade para a que foi concedida.
- c) Comunicar á Universidade a obtención de calquera subvención ou axuda concedida para a mesma finalidade.

A comunicación farase mediante un escrito dirixido á Área de Bolsas

- d) Xustificar a participación na actividade subvencionada segundo o procedemento que a Universidade de Vigo estableza.
- e) Ademais as persoas beneficiarias debe de cumprir as obrigas recollidas no artigo 14.1 da lei 38/2013, de 17 de novembro, Xeral de subvencións, que lles sea de aplicación.

## VIII.- RENUNCIA

A renuncia ao goze da bolsa deberá ser comunicada por escrito á Área de Bolsas e dará lugar ao reintegro das cantidades aboadas no caso de telas realizadas.

Se a renuncia prodúcese antes da Resolución reitoral de concesión, a bolsa asignarase a primeira persoa candidata da listaxe de agarda e así sucesivamente.

## IX.- REVOGACIÓN

A concesión das bolsas e a permanencia na listaxe de agarda será revogada polos seguintes motivos:

- O incumprimento das obrigas especificadas nesta convocatoria no punto VII.
- A ocultación de datos, a súa alteración ou calquera outra manipulación da información solicitada.
- Incorrer nalgunha das causas de incompatibilidade establecidas no punto III da convocatoria

A revogación suporá o reintegro das cantidades aboadas

## X.- DISPOSICIÓN ADICIONAIS

Todas as dúbidas que poidan xurdir na interpretación destas normas serán resoltas polo reitor .

Calquera reclamación ou queixa dun bolseiro ou bolseira farase chegar á Reitoría a través da Área de Bolsas.

Os bolseiros e as bolseiras non adquiren ningunha relación contractual, administrativa ou estatutaria coa Universidade de Vigo. A concesión da bolsa non implica ningún compromiso en canto á posterior incorporación dos/as interesados/as aos cadros de persoal da Universidade.

En todo o non previsto nesta convocatoria, aplicaranse as normas estatais e autonómicas vixentes en materia de subvencións (Lei 38/2003, do 17 de novembro, xeral de subvencións, Lei 9/2007, do 13 de xuño, de subvencións de Galicia e demais disposicións aplicables).

ANEXO I  
ACORDO DA COMISIÓN ACADÉMICA

BOLSAS DE DESPRAZAMENTO PARA OS ESTUDOS OFICIAIS DE MESTRADO DA  
UNIVERSIDADE DE VIGO NO CURSO ACADÉMICO 2015/16

A Comisión Académica do mestrado oficial universitario \_\_\_\_\_  
reunida con data \_\_\_\_\_, tendo en conta a Resolución reitoral do 12 de maio de  
2017 pola que se convocan 15 bolsas de desprazamento para os mestrados universitarios oficiais no o curso  
académico 2016/17; e unha vez revisadas e avaliadas as solicitudes presentadas polo alumnado,

ACORDA propor a seguinte listaxe provisional/definitiva de:

• Proposta de persoas beneficiarias:

Apelidos e nome \_\_\_\_\_ Puntuación

• Listaxe de agarda

Apelidos e nome \_\_\_\_\_ Puntuación

• Listaxe de solicitudes denegadas

Causas de denegación

Vigo \_\_\_\_\_ de \_\_\_\_\_ de 2017

EXCMO. SR REITOR DA UNIVERSIDADE DE VIGO.